

SIMONIS PISTORII
OPPOLIENSIS SILESIÆ,

Sacrorum Epigrammatum

OCTERNIO PRIMUS.

NOBILI, PIETATIS ET MODE-
stie dote decoro, ANDRÆE CHRIS-
TIANO, filio Nobiliss. & Amplis-
simi viri D. HIERONYMI MO-
SCOROVII, fautoris mei ho-
norandi, consecratus.

Ad Lectorem.

Hoc succisivo conscriptum tempore Carion.
Quod nunc victuris tradimus ecce typis;
Delectare nequit venæ bonitate legentem,
Confiteor; sterilis namque Camæna mea est.
At quia Materia bonitas commendat id ipsum,
Auribus est dignum, Lector amande, tuis.
THESAURUS QUAMQVAM TURPI
CONDATUR IN OLLA,
DE PRETIO AMITTIT NIL TAMEN
ILLE SHO.

Impressa Racovia.



JUVENI NOBILI
ANDRÆ CHRISTIANO MO-
SCOROVIO, Salutem.

Prælegente tibi, Andrea Adolescentule svavissime, do-
ctissimo Parente tno, Magnifico Domino Hieronymo
Moscorovio, Scientiam benè dicendi, quam Græcè Rhetor-
icen nuncupant; ad quam ille more & methodo Ramæa,
eam quæ est de pedibus, numeris, & versuum generibus, co-
gnitionem, ut meministi, retulit, eamque tibi tunc, me præ-
sente, primis, quod ajunt, degustadæ labiis præbuit: Cœpi
statim cogitare de cōficiendis paucis quibusdam Epigram-
matis in tui gratiam: nō tam eam ob causam, ut te ad hanc
scientiæ partem, quam semper doctissimi quique cum aliis
artib⁹, à prima ætate, conjungebant, adjuvarem, (hoc enim
aliunde felicius petere potes) quàm ut te ad studium istud
hac quoque ratione, si possem, quodāmodo pellicerem, in-
citaremque, ac simul etiam unâademque operâ, cum amo-
rem erga te meum singularem, Juvenem jam sanè perquàm
optimæ spei, ostenderem; tūm verò ut grati animi mei ver-
sus Parētem tuum dulcissimum, Mecænatem meum colen-
dissimum, vel hoc modo aliquam significationem da-
rem. Accipe igitur nunc primum hunc Carminum Sacro-
rum oeternionem, eo quo tibi a me offertur animo, & me
tui amantem, quo hucusque me semper prosequi visus es,
amore complecti perge. Deus tibi, studiisque tuis ab-
undè benedicat, ad divini sui nominis gloriam, Ecclesiæ
Christianæ emolumentum, & Tuorum ingens ornamen-
tum. In agro Czarkoviano. 20. Septemb.

ANNO DOMINI 1609.

160 I

SIMON PISTORIUS



SACRORVM EPIGRAMMATVM

Oeternio Primus Simonis Pistorii O. S.

Quis CHRISTO dignus. Matt: 10.

IS demùm dignus Christo est, ævoq; futuro,
Is demùm summi dignus amore Dei est;
Qui, quàm se, Christum, atq; suos, plus diligit omnes,
Nec vitam, Christi pluris honore facit;
Pro Christo, eventum, sortemq; paratus ad omnem,
Non dubitat diras Mortis adire cruces.
Sedulus ad sanctam Christi qui denique Vitam,
Componit mores semper ubique suos.
Is demùm dignus Christo est, ævoque futuro,
Is demùm veri dignus amore Dei est.

Oratio omnipotens. Matt: 15.

Cælorum Domino nil Christo majus habetur,
Et tamen hunc Dominum vincere Vota valent.
Ergò quid utilius Votis, quid majus in Orbe est?
His cupiam semper fortior esse Deo.

Nihil absconditum quod non manifestetur. Mar: 4.

Ne clàm designes facinus, quod luce profundâ
Designare, tibi sit rubor, atque dolor.
Omnia nam tandem tempus secreta revelat,
Recludit vindex & cooperta Deus.
Prudens & felix, cui mens est conscia recti,
Quæ facit, & Iovâ non nisi recte facit.

Sacrorum Epigrammatum

Conditio, & præmium Ministrorum. Mat. 6.

*Qui sacra conscendit docturus pulpita Pastor,
Hæc semper memori præmia mente gerat:
Probra, odium, tristem diro cum carcere Mortem:
Denique, quod morte est tristius, exilium.
Heu mihi! sub Mundo quis tam malè Præco mereret,
Si non in Cælis præmia magna forent?*

CHRISTIANI præferendi cognatis. Luc. 8.

*Cognatis caris, quod mellitaque Parenti
Præfers discipulos, optime Christe, tuos;
Nobis dilectis impensius esse Propinquis
Flagrandos Fratres, hac ratione doces.
Et certè ratio est, fieri cur fasque, piumque,
Id sit in hoc nostro, Christe, sodalizio.
Cælestes animæ sunt hîc, & Corda renata,
Isthic Mundana est & Genitura vetus.
Spiritus hic tuus est, artèssima copula fratrum,
Illic Carnalis nec diuturnus amor.
Hæredes hîc sunt, & pignora cara Iehovæ,
Illic hæredes Mortis & interitûs.
Hoc igitur ritu quicumque es de Grege Christi,
Cognatis Fratres pluris habere stude.*

Omnia ingrata. Luc. 11,

*Non imitanda licet fecit Miracula Christus,
Tutus ab invidia non tamen ille fuit.
Hæc etiam nunc est Mundi natura maligni,
Non homines odio cessat habere bonos.*

Cuncta

Cunct
Om
Felix
Ill

Chr
Pe
Nunc
Ch

Matr
Chr
Qu
Nam

A
Sic et
Fæ
Vtque

Tu
Deniq
Nec
Sic No

Atq
Felix
Chr

No
Doct
Qua

Oſter: 1. Simonis Piſtorii.

*Cuncta licet facias, licet utilis eſſe labores
Omnibus, heu! reſeres præmia nulla tamen.
Felix qui mala fert, ingrataque cuncta reportat,
Ille tamen numquam deſinit eſſe bonus!*

Nuptiæ in Arundineti. Ioh. 2.

*Chriſtus, Arundineis Conviva benignus in oris,
Per jucunda meras in mera vertit aquas.
Nunc quoque in his Cannis fragilem ne deſere Sponſam,
Chriſte, ſed ablatis fontibus, adde merum.*

Matrimonium, Chriſti & Eccleſiæ typus. Eph. 5.

*Chriſte, probè exprimitur Socialis imagine tædæ,
Qui Tibi Nobiſcum eſt, Fæderis acer amor.
Namque duo coëunt juncturâ mentis ut illi,
Ac amor eſt illis unus, & una Caro:
Sic etiam tecum Tu Nos conjungis, & unum
Fæderis æterno Corpus amore facis.
Utque ſuum Conjux Vxorem nutrit & ornat;
Tu quoque Nos ornas dotibus, atque foves.
Denique ceu veris una eſt poſſeſſio Sponſis,
Nec clamant; meus eſt hic ager, ille tuus:
Sic Nos hæredes feciſti Patris in Axe,
Atque cohæredes, optime Chriſte, tuos.
Felix qui nunc eſt hoc glutine junctus amoris
Chriſte Tibi! felix quem tuus urit amor!*

Non eſt Diſcipulus ſupra Magiſtrum. Matt. 10.

*Doctrinâ verax, & Crimine purus ab omni,
Quàm malè, Chriſte, probus tu laceratus eras!*

Sacrorum Epigrammatum

Et nos horremus Convicia crimine fædi,
Traçtari & volumus molliter, hoste procul.
Heu mihi! non æquum est, ut sit fortuna Ministri
Hoc ævi melior tempore, pejor Heri.

Tentator. Mar: 1.

A Stygio noster tentatur Demone Christus,
Sed frustra: ad Verbum nil valere doli.
Qui volet hoc etiam de Tentatore triumphum
Ducere, Scripturâ pugnet & ille sacrâ.

Mulier præliatrix vincens Christum. Mar. 7.

Viribus invictum quàm Christum vincere posse,
Vlla nec est gravior pugna, nec est melior.
At quibus hic telis fuerit vincendus, & armis,
Exemplo Mulier sit Cananæa tibi.
Hæc illum inclamat: ser opem, miserere; sed ille
Ardentes surdâ præterit aure preces.
Tum quò rejicitur magis, hoc ardentius instans
Clamat, & est constans in prece, plena fide.
Denique more Canis cupidi, cui liba negantur,
Arcetur quamvis a bonitate Dei:
Non tamen idcirco desperat passa repulsam,
Aut, pugnare fide femina docta, cadit.
Sed quibus impetitur, prudenter protinus illa
Vertit in Autorem tela retorta suum.
Est ita: sum Canis, inquit, & isto nomine si quid
Naturâ in rerum vilius esse potest.
Pane ciba Natos, sed micam, quæ perit, inde
Si dederis Canibus, sufficit illa, tuis.

Hæc

Oſter: I. Simonis Piſtorii.

*Hac invicta Fide vincentem ſingula Chriſtum
Femina devicit, atque petita tulit.
Hæ animi telis, ſic Chriſtum vincere diſce,
Nãmque aliter vinci non valet iſte Deus!*

Diabolus inter duodecim. Ioh: 6,
Inter tam paucos, olim quos Chriſtus habebat
Discipulos, Sathanæ mancipium unus erat.
Qui data communem clàm ſurripiebat in Arcam,
Qui pretio Dominum vendidit, & periit.
Ergo quid mirum eſt, inter tot millia Chriſti,
Discipulos etiam nunc ſupereſſe malos!
Donec Oves olidis ſecernat Chriſtus ab Hircis,
Mixta Viris fiet peſſima Turba bonis.

Chriſtus ambulans ſuper aquas. Matt. 14.
Vtrum ſit majus, pedibus calcare Profundum,
Illud an in partes diſſoluiſſe duas,
Dicere difficile eſt: facinus namque iſtud & illud
Grande; ſed eſt majus forſitan hocce prius.
Id certè fecit; calcavit littora Chriſtus:
Fecit idem Chriſto deinde jubente Petrus.
Si tantùm potuit, ſi tanta potentia Chriſti
Tunc erat, hoc ſeptus pulvere quando fuit;
Nunc immortalis donatus Corpore, quantò
Et plus in Terris, & ſuper Aſtra poteſt?
Interit haut ergo, Chriſto quicumque cohæret.
Quantumvis Pontus, Terra, Polusque ruant.

Sacrorum Epigrammatum

Christus in navi. Mat: 8.

Pluribus est subjecta quidem scapha parva periclis,
Tuta tamen Christo pervigilante fuit.
Non trepido, sonet Aura licet, fremat Orbis & Orcus,
Iste gubernator si Palinurus adest!

Christus & inter Hostes. Luc: 2.

Primus ab undecimo Christi modò taperat annus,
Cum summâ claros vicit in arte Viros.
Et quamquam errorum plenissima cuncta fœtre,
In medio Templi sederat ipse sui.
Quid mirum, Si nunc Inimicos vincere doctos,
Pontificesque potest inter habere locum!

Pastor & Mercenarius Ioh: 10.

Pastor amans Ovium est; sed Mercenarius omnis
Plus amat externas desidiosus opes.
Declinare nequit vel aperta pericula Pastor;
At mox infestis terga dat Ille Lupis.
Ne nos conducti solâ mercede Ministri
Pascant, Pastores suffice, Christe, bonos!

Christus humilitatis exemplar. Iohan: 13.

Par aliis cum sis naturâ vilis homullus,
Fortune tantum conditione tumes;
Hâc miseros spernis, tantillum non facis omnes,
Quam servire ulli, vis dominari aliis.
Quid faciat rerum Dominus quin inspice Christus,
Sordidulos hominum ceu lavat ipse pedes!

Nec

Oſter: 1. Simonis Piſtorii.

Nec tantum facit hoc, ſed cauſâ poſtmodò noſtri

Ponere caram Animam deputat eſſe decus.

Tanta miniſtrandi mens Nobis, tanta cupido

Illi inerat, Noſtri denique tantus amor!

Pone ſupercilium demens ! ſic itur ad Aſtra;

At tumidos Orcus, Mortaſque dura manet.

Maximè amans quis. Luc: 7.

Si diſmiſſa cui ſunt gratis debita plura,

Plus Benefactorem debet amare ſuum;

Qui condonavit mihi debita maxima, nonne

Impenſè Chriſtum debeo amare meum?

Improbuſ eſt, ſi quis verbis modò diligit, a me

Non Verbis, ſed Re, Chriſte, ut amère, volo.

Non dans, ſed dantis animuſ. Mar: 12.

Plurima contribuunt Opulenti, pauper in Arcam

Æra minuta duo Femina ſola dedit.

Quiſ putet hoc verum ! tamen hi, quàm femina pauper,

Iudicio Chriſti, contribuère minus.

Cauſa, quòd hi rerum tribuère ſuperflua tantum,

Illa ſuum reliquum, quod dedit, omne dedit.

Scilicet haud dantem, qui vel dare maxima poſſit,

Sed mentem dantis reſpicit ipſe Deus.

Vetue Adam exuendus. Matt: 18.

Vuſ fieri ſalvuuſ, Cælo viſ aptuſ haberi?

Hac fieri meliùſ non ratione poteſ,

Quàm ſi conerit veteres deponere moreſ,

Atque mali affectuſ pectore quicquid habet.

Sacrorum Epigrammatum

Obsecrō nos, tumidos, non hæc capit Aula, malosque:
Qui sibi luctando vim facit, ille sapit.

Haut tutus a Mundo verè Pius. Ioh: 15.

*Nec pateris, nec Te Mundus vanissimus odit,
Nec Te persequitur, nec miser esse potes.*

*Te tamen esse negas Mundanum moribus istis,
Te servum Christi dicis & esse Pium.*

*Credo, sed admiror, vixque hoc Ego spero futurum,
A Mundo esse queam tutus, & esse pius.*

De Deo colloquendum. Luc. 24.

*Discipuli, Domini dùm de Cruce sortè loquuntur,
Non agnoscendo corpore Christus adest.*

*Hic vatium prædicta refert, mentemque recludit,
sicque a Discipulis Cognitus ille fuit.*

*Vt Tibi sit præstò Christus, fac sancta loquaris
Verba, abigunt Numen, turpia verba, Dei.*

*Tuque meos sensus, Flatûs & lumine Verbi,
Vt te cognoscam, Christe, reclude precor.*

Protomartyr. Actu: 7.

*Dùm causam Christi defendit Numine plenus,
Audacique malos arguit ore Viros,*

*Heu! denso Stephanus lapidum super obrutus imbre
Horrisono primus funere Martyr obit.*

*Felix at Christum Constanti voce professus,
Qui summum tali clausit agone diem!*

Fortis Armatus. Matt: 12.

*Qui validus loca possederat Atria Latro,
Nunc vi, Christe, tuâ, cogitur ire foras.*

Oſter: 1. Simonis Piſtorii.

*Cogitur ire foras equidem, verum omnia tentas,
Ut rursus notum Limen adire queat.*

*Ne quando ille Dei perrumpere poſſit in Aedes,
Ante fores cuſtos alma ſit Aura precor!*

Ambitio. Matt: 20.

*Quam ſervire aliis, dominari malumus omnes,
Turbaque Mortales ambitioſa ſumus.*

*Chriſte, ſed hoc vitium Generis, miſſiſſime, noſtri
Elue, converſo pectore, namque potes.*

*Nos ut precipue ſimus ſervire parati,
Serva ſervitii qui tua turba ſumus.*

*Heu mihi! ſunt Mundi Domini, non, Chriſte, Miniſtri,
Pontificum qui nunc Atria magna colunt.*

Chriſtus linum fumigans, non extingvit. Ioh: 20,

*Arguitur preſens male-firmo pectore Thomas,
Cujus tarda fides, atque puſilla fuit.*

*Quid non, Chriſte, potes! Subito mutatus ab illo
Clamat, io, Dominus Tu meus, & Deus es.*

*O mea parva Fides flammas erumpat in iſtas,
Teque meum Dominum, Chriſte, Deumque vocem.*

Deus ſuperbis reſiſtit. Actu. 12.

*Et ſolio Herodes, & majeſtate ſuperbus,
Qui populo fuerat nunc perhibente Deus,
Infelix ſubito grave-olens, & turpe cadaver,
Ut jacet, Angelica percutiente manu!*

*Quod ſibi tam decors in tanto indulſit honore,
Debuerat ſummo quem tribuiſſe Deo.*

Sacrorum Epigrammatum

Sit cautus, magnos quisquis conscendit honores,
Et sciat ultorem post caput esse Deum.

Cum Christo omnia jucunda. Ioh. 16.

Discipuli luctu prope conficiuntur amaro,
Quando tuo aspectu, maxime Christe, carent.
Lætitia rursus perfusi perpete gaudent,
Quando tuos vultus, ora que grata vident.
O Christe! ad spectu ne te quoque subtrabe nostro:
Æternus sine Te Pectora maior habet.

Reatus effundentium innocentem sanguinem. Matt: 23.

Innocuos homines quicunque furore nefando
Interimit, tantum contrahit ille nefas,
Oceanus quantum magnus non abluat ipse,
Ipsa sua vel non ultima Thetis aqua.
Sacrilego tantum sceleris nam suscipit ausu,
Quantum vix majus suscipi & esse potest.
O infelices, quos jam tenet iste reatus!
Felices quorum sanguine dextra caret!

Major quis. Mar: 9.

Ille ipsis major mihi Regibus esse videtur,
Magnanimos etiam vel superare Duces;
Vim quicunque suis faciens affectibus, ipse
De sele Victor læta tropæa tulit.
Nam vacuo affectis, summaque quiete fruenti,
Se similem in cælis sentiet esse Deo.

Talen-

Talentum. Matt. 25.

Hinc Christus peregrè abscendens, & in alta profectus
Sidera, Servorum cuique talenta dedit.

Non uno verùm numero illa, nec omnibus æquè,
Vt libuit cuius, plùsve minùsve dedit.

Vsibus assiduùs omnes quò plura mererent,
Atque darent Domino conduplicata suo:

Hæc quid designent aliud concessa talenta?

Munera quam quæ das, donaque, Christe, tuis.

Quidq̃ frequens horum notet, indefessus & usus?

Plurima quam gnavi muneris officia.

Is felix, operi Domini qui fervidus instans,

Exornat Spartam sedulitate suam!

Defectum haut umquam metuet, sed adauctus optimis

Muneribus, Domini plaudet in Axe sui.

Cœna ab invitatis fastidita. Luc. 14.

Omnia caussamur satui, ne summa vocati

Carpamus Regni commoda, Christe, tui.

Mundaniùs mundana placent evanida Porcis,

Pauci caelestes & meditantur opes.

Hec mihi! qualis eris, quàm linguere cogeris ista

Vana brevi; & veris abstinuisse bonis.

Persecutio & Spiritus S. Ioh. 16.

Discipulùs vivâ prædicat voce Magister,

Pro Christi debent nomine quanta pati.

Nec solum hoc, verùm Sacram promittit & Auram,

Non ex difficili est vincere cuius ope.

Maxime Christe, tuos non umquam horrebimus hostes,

Ignem velis tantum Nos animare tuo!

Sacrorum Epigrammatum

Pœna impediendum cursum Evangelii. Act: 13.

Ne posset Christum cognoscere Sergius, omni
Impediisse Elymas hoc ratione studet.
Sed non fert impunè istud: nam lumine captus
Fit miser, & palpat protinus ille manu.
Corporis haut vobis, animi sed Christus ademit
Lumina, qui tantum suscipitis scelera!

Herodes & Pilatus reconciliati. Luc. 23.

Discordes Rex Herodes, Præsèsque Pilatus,
Fortè in amicitiam tunc coière novam,
Cum Christi de morte, unquam nil tale merente,
Res agitata simul, consiliūque fuit.
Nunc quoque quàm faciles coeunt in fœdera Reges,
Et Nos perdendi copia si qua datur?

Dura Crux Christi, sed si perfertur, via ad
felicitem. Ibidem.

Sub qua succumbis, Simeon agricultor adactus,
Bajulat ingentem, Christe benigne, Crucem.
At quam fortè par as humeris imponere nostris.
Si tulero adjutus Numine, Christe, tuo,
Tunc ego me dicam Herculeos superasse labores,
Et me felicem terque quaterque fore!

Regius. Ioh. 4.

An tua sit bonitas, an magne potentia major,
Nil equidem possum dicere, Christe, minus!
Quod numquam rarus est, accepit dona salutis,
Præditus exigua Regulus iste fide.

Quod

Oſternior. Simonis Piſtorii.

Quod votū urſit, morti vicinus & abſens
 Sanatur verbo filius ille tuo.
 Ergo & nos Chriſtum quin rebus adimus in arctū,
 Noſtrā tam parvā, difficiliq; fide!

Chriſtus paſcens ſuos. Ioh. 6.

Plurima qui modico ſaturavit millia pane,
 Chriſtus, in inſolitū ad juga celſa locis.
 Is quoque deſerti Vitæ unicuſ Autor in iſtū,
 Pane pias Animas non pereunte cibāt.
 Iſtā cœleſti qui non contentus eſ eſcā,
 Ah! miſer eternā conſciere fame.

Nemo Dominis duobus. Matt. 6.

Nemo poteſt & Avaritiā unā & amare Iehovam;
 Hiſ operam pariter nemo locare poteſt.
 Hic jubet in miſeriſ Hominum ſuccurrere rebus;
 At ſurdum ad miſeras hæc jubet eſſe preceſ.
 Hic prohibet cuiquam fallaci imponere fraude;
 At nihil hanc æquē quā dare verba juvat.
 Singula ne referam, vitā jubet optimuſ omni
 Fidere Iova ſibi; rebus Avarities.
 Ergo quòd utque illiſ adeo diverſa voluntas,
 Hiſ operam pariter nemo locare poteſt.

Virtuſ fidei. Mar. 11.

Eſuriente, quòd hac pomum non repperit ulluſ,
 A Chriſto ficuſ quūm maledicta foret;
 Mira, ſed acta loquor! ficuſ quæ florida denſiſ
 Nunc fuerat ſoliū, aruit abſque mora.

Tanta

*Tanta est vis valida Fidei, miracula tanta,
Vel majora potest edere, magna Fides!*

Arcta via Cœli, lata inferni. Luc. 13.

*Stricta via est, homines que Candida ducit ad Astra,
Ad nigra que ducit Tartara, lata via est.*

*Causa, quod est rarus Virtutis amator & equi,
Quos vitia oblectant, messis ubique Virum.*

*At tu Virtutum sis Legis & assecla Christi,
Ingens Astrorum qui cupis esse decus!*

Ufus rei benè dispensatæ. Luc. 16.

*Est aliquid, mihi crede, Boni ita pluribus uti,
Vt Fratrum Sanctis usibus illa loces.*

*Tum ratione istâ quia conciliantur Amici,
Tum quia dantur opes hac ratione Deo.*

*Felix qui talem Bona dispensavit in usum!
Reddita cum mulco scœnore plura seres.*

